

南音《仁貴征東》之《虎降開聲》

(起南音短序)

慢板

一年又過，一年春。光明容易，促義輪。無災無害，
成人易。仁貴年已長成，十五春。時正薛英，年五
十。適逢生日，啲朝辰。仁貴在書房，書房內睡。
忽觀白虎，入房心。將羅帳揭開，身撲入。嚇得仁貴
驚狂呼，散盡魂魄。仁貴大叫高聲，哎呀！唔好了。
就從此日，佢就喊得出聲音。是日走歸，堂拜壽。開
口喊叫，爺娘一勻。佢說道願爹爹，福如東海。壽比
南山，節節增。佢哋一聽孩兒，開口說話。夫婦心
內，欣喜頻。不曉眾成白虎，白虎星投佢。所以佢能
喊得，出聲音。但係白虎開頭，開口喊。定會家破人
亡，少不能。因此薛英，夫與婦。相連幾日，病亡
身。仁貴把雙親，把雙親葬後。佢自權產業，在家臨。

(短腔) (接短序)

中板

但佢不學經營，承父志。試劍兼重，馳馬遂心。頂上
教師，請幾個。三韜六略，講知聞。一直學武，三五
月。武藝學成，總滿身。射來百步，穿楊箭。不讓由
基，手段能。誰想未曾富貴，先貧賤。竟遭回祿，兩
場侵。

乙反

將佢樓房，兼屋宇。盡行燒作，一堆塵。(短腔)(無限序)
金銀器物，歸烏有。燒剩一間，兩進深。自此家貧，
隨日薄。但又不思買賣，賺分文。況又招集教師，
朋與友。又要時常供應，在家心。化用日中，難接駁。
又將田土，賣絲銀。(短腔)(無限序)
但佢一飯要食，斗五米。每日三斗米，唔少一分。一
日食三，三食九。坐食山崩，古語云。日久日長，又
食盡。無能打算，就無飽溫。只剩燒爛，咽間屋。為
求解餓，都要賣與別人。之後走在丁山，嘅山腳下。

喺個破窰內裡，就去安身。可憐落拓一身，如化子。
空空淨手，拍無塵。無小米亦，亦唔方買。或買番
茨，三五斤。轉眼又逢，冬十月。抵休兩日，捱唔能。

(短腔) (無限序)

仁貴淒涼，偷嘆息。無衣無食，怎過春。當世現今，
無漂母。一餐賙濟，望誰人。(冰魂腔)放定由他，來餓
死。我亦本個英雄，力一身。

正線

想起我哋個位，親叔父。佢家肥屋潤，有金銀。我雖
窮了，三年久。但銀兩唔曾，借過佢一分。不若今
朝，求向佢。咁就借他幾斗，米歸臨。諒有西江，蘇

涸鮒。免令抵餓，淚滿襟。想定東方，時已白。(重句)

慢板

我就起身忙就，出窖臨。(短腔收)

〔完〕